

八瓊室金石補正續編

韓魏公祠堂繪畫遺事記

高五尺六寸廣二尺八寸二十三行行五十二字字徑八分正畫在定州

宋韓魏公祠堂繪畫記

篆額九字字徑一寸分

韓魏公祠堂繪畫遺事記

左朝奉郎充龍圖閣待制權知開封府兼畿內勸農使

飛騎尉賜紫金魚袋王巖史撰

左通直郎充集賢殿修撰提舉西京嵩山崇福宮賜緋魚

袋劉安世書

左朝散郎試中書舍人輕車都尉賜紫金魚袋韓川篆額  
立天下之功易感天下之心難感之深而不忘又難非天下

之至誠其孰能與於此□□

魏國忠獻韓公見之矣慶<sub>曆</sub>中

朝廷有北顧憂始詔魏<sub>清</sub>鎮定並用儒帥而

公以資政

殿學士帥定武

天子倚

公以安六年乃得去定人德

公深故愈久

而益思元豐之□

蓋三十年矣思之而不足始相與立祠於

郡庠之西墦

公帥時儀形而神事之皆曰幸見

公像

如

公存焉不獲其所者往而禱曰

公幸佑我得其

欲者往而謝曰

公佑我之賜也每

公生及諱之日

則又往各盡其情以致祠事同不瞻仰咨嗟□□久之而後

去夫豈特惠澤之間哉誠意在前故能□□□貫幽明而無  
間也自康國韓公中國呂公之為帥既釋奠於夫子常率寮  
佐及諸生以一獻之禮置祝設幣修敬於公之祠□□

□悅歸美二公後遂為故事元豐末余為邑於安喜州之耆  
舊有為余道公之遺事至流涕者且曰自今觀之不知

公之功親見其初然後知公之有德於今爾兵騷  
而公安之民病而公蘇之人心危而公安之

子弟未知學而公教之以情趣物以義制事不可悉數  
吾懼老且死子孫傳久失其真願其可繪者繪於祠堂之兩  
廡使後世覽餘烈而想清風子能為我成而記之乎余曰天

下之政神而明之不著其迹者

公之心也取而形容無

乃示人以不廣哉應曰念

公之不可得而見也而圖其

事以閔之遺老之心聊自慰爾非謂其可以盡

公之美

也蜀人之於武侯襄人之於叔子魏人之於梁公愛而思之  
可謂至矣不知如吾定人之於公否也余未暇成其志

而被召以去越明年

公之子忠彥由禮部尚書以樞密

直學士出帥於定定人望而喜曰吾家資政之子也吾之素

意庶乎行矣繪事竟遺老以為請余嘉定人之誠心於

公也故喜為叙而書之然此獨定人之所知也至於

公

謀謨廟堂寤寐大計惟

社稷之憂而忘家之憂羣臣□懼身獨任之危言決策以開  
萬世之福使四海內外生靈默饗於太平者此 公之功  
在天下而定人 之所不知也大議未定 公無前卻之心  
大勲既成 公無自伐之色避而去之以爲榮貪而居之  
以爲恥時有□捨而 公無重輕事有去來而 公無  
得喪此 公之德在天下而定人 之所不知也定人所不  
能知工所不能畫余亦不能書也

元祐五年九月二十日立石

祠在定州文廟西宋王巖叟作記

明一統志

碑記慶厯中魏公以資政殿學士帥定武六年乃得去去

後三十年民相與立祠於郡庠之西元豐末州之耆舊請

繪公遺事於祠堂之兩廡未暇成

民初為縣公立祠在元豐元年韓絳自河東移

知定州民請於絳立廟見忠獻公祠堂記

越明年公之子忠彥出帥定定人喜

曰吾家資政之子也因相與成之案文獻通考慶歷八年

詔置河北四路安撫以韓琦王拱辰賈昌朝等充諸路使

碑言魏博鎮定並用儒帥是其事也忠彥本傳拜禮部尚

書以樞密直學士知定州與碑合碑前列左朝奉郎充龍

圖閣待制權知開封府兼畿內勸農使飛騎尉賜紫金魚

袋王巖叟撰左通直郎充集賢殿修撰提舉西京嵩山崇

福宮賜緋魚袋劉安世書左朝散郎試中書舍人賜紫金

魚袋韓川篆額三人宋史并有傳而巖叟尤為魏公門下  
客也巖叟本傳止載權知開封府其階勲兼官悉不書惟  
邵埽編載元祐六年王公巖叟自左朝奉郎龍圖閣待制  
拜樞密直學士簽書樞密院事同此碑結銜則史失之略  
矣安世本傳以集賢殿修撰提舉崇福宮與碑相證符而  
階亦未之及川本傳進為侍御史樞密都承旨進中書舍  
人蓋至此始得實任不知其初為試中書舍人也授堂金  
石跋  
右韓魏公祠堂繪畫遺事記王巖叟撰劉安世書韓川篆  
額三人皆元祐黨籍中人也記略云慶厯中朝廷有北顧  
憂始詔魏瀛鎮定並用儒帥而公以資政殿學士帥定武



後三十年民相與立祠於郡庠之西自康國韓公申國呂  
公為帥常率寮佐及諸生以一獻之禮祀焉云云韓呂兩  
公謂韓絳呂公著也

潛研堂金石跋尾

韓忠獻魏公載祀典敕殘碑

碑存上截高三尺三寸廣三尺七寸二十二行行存二十二字字首行徑二寸五分餘徑寸餘行書在定州

韓忠獻魏公載祀典敕

篆額三行字徑五寸

尚書禮部

泐

元祐

下及後二行全泐無蹤

□□□□□□□□□□□□□□□□事不□至今

缺下同

□□□□□□□□□□□□□□□□□□□□

名額□在□□竊念本州□□□□□□□□年

姑息驕橫不戢又歲大水流者轉徙居者震□始以□

□□□□□□□□□□未鎮□□體物情憂民如己因□為

第一條

□定州主者一依

勅命指揮施行□到奉行

元祐五年十月六日下

右碑下截斷缺不知幾許所存亦剝初已甚其可辨者  
如是而已

唐王右丞陰陽竹石刻題記

石臺計高四尺七寸廣一尺九寸題記在石下  
商六行行二十一字字徑六分正書在定州

商六行行二十一字，程六分正，書在定州。

唐王右丞陰陽竹

口陽東塔下即唐王右丞家景口出口口門口口有酒苦

竹兩口口口門之右竹兩竿口三口口口口疎口初  
榮者

有口者有倚者有口口口口口口口者口口理初口口纖

密口口口高下全口元祐六年冬至日

下全

移後唐雅上人舍利塔記

方一尺三寸五分標題八字居上橫列四行字徑二寸四分  
分記居下十二行行八字字徑七分蓋正書在偃師永慶寺

後唐雅上人舍利塔

舍利塔舊在外門西偏溝之南塢雜於民居宋元祐六年昭  
詮始來緱氏遂移於大殿後上人事蹟已見比仁兩記此  
不復叙十一月二十四日寶嚴院主賜紫昭詮謹題

元祐七年歲次壬申正月一日建

□京刊字

偃師金石錄寶嚴院嚴作嚴誤

孔師祖墓誌銘并蓋

方二尺三寸三十四行三十  
四字字徑七分正書在曲阜

宋故鄉貢明經闕里孔君墓銘

篆蓋十二字  
徑一寸五分

宋故鄉貢明經孔君墓誌銘

并序

新授通利軍司理參軍濟南王若撰

從姪縣封院魯學尚書學諭宗哲書

表女□朝請大夫知齊州軍州兼管內勸農事雲騎尉借

紫周逢厚篆蓋

人之於事始則銳稍則怠□漫漶而不振者十常八九予觀  
熙寧初 天子大有為更新天下□□改科舉時□

焉。去學究明經之科，尚經術，黜詩賦，一以進士取天下之士。法既定，決於遂行。大臣偃蹇不合，繼以罷黜，腹非心議者，且不敢況能以己意自列於

於禮部及科舉制下。慨然曰：責人以不素學，取非所習，豈造法之本心乎？里徒步欲上書。天子先見宰相論列。

辯析言有條理，宰相惻然，納其說為言於

上。姑

少遲之，聽其習而後罷。是歲以明經登第者四十人，而公嗣復不預選。或曰：孔君報罷，我輩登科，實厚願也。日有載酒持金以相慰藉者，至其門，公嗣與之飲，既酣而卻其所遺，曰：我走京師，干宰相翼以舊學，獲升斗祿以養吾親，豈為是哉？孔



氏宗□之裔□襲封院吏庶夔衍流汰數十謂之外院雖名  
在民版悉不服州縣之役會熙寧間□輸役錢元祐復舊法  
蠲役之例不可明者均被徭使公嗣三吏京師□戶部謁執政  
政曰孔子之澤萬世不斬後世有征於有司而不  
舍反不及八品之子孫殆朝廷未之知議已下而

公嗣疾遂不報公嗣姓孔氏名師祖公嗣其字也三空十夫子

四十五世孫祖諱貽政父諱龍皆不仕其先世未克葬公嗣  
乃告於縣封院曰我五世祖溫裕仕於咸通間為天平軍節  
度使嘗輟俸以葺祖祠宜不可忘遂允其請始得

葬於聖林家素窶而親且老力學遊四方為後生講

說惡衣菲食積其資買田山下俾其弟力耘歲屢豐而家日  
完富聞喜而語人曰吾於世雖不偶昔固甚今得以具旨甘  
於吾親亦足矣親□□居不安行不□終夜不寢飲食藥劑  
嘗而后進疾已則□居笑語如它日交朋友以誠有不善斥  
言而無所顧忌始若難合終則□之元祐七年□月□十二  
日以疾卒於家享年六十有二啓手足之際家之事无巨細  
悉詔其弟而處之皆慮□□□又戒其子曰善事尔叔它  
日先異志既而與其母訣曰死生人之常□母耄且疾□□  
□不得終養所以飲恨於泉下有此也遂盥□振衣整冠觀  
不亂而終嗚呼可謂剛毅□立之士矣卒不信於世以□歟

志是可悲也始娶邵氏再娶周氏皆有婦德生四子長未□  
而卒次曰頤次曰預次曰頌並傳其家學女二人孫男二人  
皆幼以其年十一月十七日舉葬於夫子墳之東  
南逆先塋也前美其子頤以若同年友程發狀遵君之遺命  
求銘於予銘曰

堂堂挺特

剛而毅兮

慷慨於事

有立志兮

初終惟一

賤能申兮

怯懦委屈

奮以起兮

孝誠渠渠

足甘旨兮

連蹇不偶

今已矣兮

鬱鬱佳城

云孔里兮

嗚呼歸矣

自君始兮

胡深刻

昭孝院辯證大師塔銘

高六尺廣二尺五寸二十二行行五十字字徑八分正書在華縣康家店

大宋故昭孝禪院主辯證大師塔銘并序

持節文州諸軍事文州刺史充本州團練使駙馬都尉上柱國王 說 撰并書

翰林學士左朝奉大夫知制誥兼侍讀護軍賜紫金魚袋顧 臨 篆額

神宗皇帝以孝治天下凡世之所以奉先追遠之事靡不舉焉熙寧初 詔即 永昭 □ 厚陵建浮圖氏居以修梵福五年功畢敕額曰昭孝禪院 御書其榜乃推擇名德僧將

宋元祐八年六月十五日

使主其事凡得二十人又選於其中得各聖禪院僧重表於是宣補住持特度其弟子十人以寵榮之師修上之賜

恩有以□

天子追奉之誠莅事之日謀善於始約以

持已寬以御物殷既飾以致□修之勤堂既崇以藏講誦之

席有容焉則以安清衆有廚焉則以薦香積不敢為妄悅雖

無刑而嚴不敢為妄怒雖無賞而和是以聚徒百衆直侍後

□者過之而小大皆得其情且樂為之用故師靈之裕如而

金穀滋衍垣墉者皆堅茨矣樸斲者皆丹雘矣師猶不自暇

豫日底□□□祐初

太皇太后聞其行詔坤成節

別賜度牒三道紫衣二道為莊嚴聖像之用繇是人益歸嚮

善緣日廣師未嘗畜衣盂至於服用取纔足而□住持凡二  
十年久無閒言度其弟子至一百六十餘人以元祐六年十  
一月二十日示疾石門弟子語之曰有為之法豈異電光雲  
影哉吾嘗修淨土觀緣殆至矣語畢右脇而□蓋西嚮也聞  
者皆驚歎焉俗壽七十二僧臘五十一管□嵩山崇福宮朝  
請郎□君景國□□一方為塔麓之域直昭孝之西三里曰  
孝義橋西北之原明年正月二日弟子具禮餞而葬之既葬  
八月其法屬弟啓聖禪院供養主園通大師守僧弟子明教  
大師昭智等來請余誌其塔按師姓張氏洺州曲周人也自  
童丱時已異諸□稍長□事生產業一日告其母曰聞佛氏

有出家法願歸心爲景祐四年來京師往謁智聖禪院主明  
智大師惠諶具□其志明智壯而□之師喜且歎曰旣已棄  
吾親而來可不淬勵以成吾身哉執役之閒未始輟焚誦也  
康定二年以誦經及格披荊明年受具□自是篤志律儀尤  
樂濟衆之行主院者稍委以事師謹力以辦之後益掌金帛  
衆服其清尤喜賓客頗爲士大夫所知嘉□中□□宋莒公  
奏授命服本院又奏賜師號故及是被 詔主昭孝院事人  
多識其能以爲必善其任也師之始終可紀如此故余喜爲  
□其事而著之銘曰

於□ 神考致孝□ 先乃即 陵寢作□ 祇園□ 佛塔

廟既成有嚴榜曰昭孝 帝意攸虔孰口其事聽於僉言  
得辯證師往始法緣師既戾止廣佛所傳食藥口行貫花  
肆筵焚修之功 二后在天作者維艱居者孔安既基而  
堂則師之賢來嗣觀德考銘新阡

元祐八年六月望日 建

勅補住持院主明教大師昭智立石玉冊官口  
此行在  
年月半  
行之

表白廣照大師 昭惠 知庫賜紫 昭用 典座寶

慈大師昭隆 維那圓照大師 昭圖  
此行在  
銘供養  
下空六  
格

主慧覺大師 昭遇  
此在年月半行之  
下立石半行之上



辨證主昭孝禪院熙寧初詔即永昭永厚陵建浮圖氏居  
以修梵福五年功畢改額曰昭孝禪院御書其榜宋時園  
陵之制如是臣下亦依此例見賜文潞公教忠積慶禪院  
額牒又顧臨篆額碑列題其歷官與宋史本傳合王詵撰  
書而列銜云持節文州諸軍事文州刺史充本州團練使  
詵見魏國大長公主傳不書曾為是官亦從略也詵與東  
坡遊故碑銘敘雅飭書尤似東坡余所見參寥子三十六  
峰賦自書亦得東坡遺意與此頗相類益見東坡為世所  
傾慕若此辨證墓今在碑後其陰列諸弟子名皆未刊缺  
又陀羅尼經石幢一亦附立是碑之左

授堂金石跋

右昭孝院主辯證塔銘中州金石記失採寰宇訪碑錄

王說作說八年六月作六年八月並誤說堂金石碑言

神宗初詔即永昭永厚陵建浮圖氏居敕額曰昭孝禪

院按史永昭仁宗陵永厚英宗陵也撰書者文州刺史

駙馬都尉王說篆額者翰林學士知制誥顧臨說史附

見凱傳後字晉卿尚英宗女蜀國長公主官至留後慕

東坡與相游從東坡嘗為作寶繪堂記見施註蘇詩蓋咸晚

中之好文喜士者見劉後村西園雅集圖跋公主傳主元豐三年薨

既葬謫說均州後東坡有詩和晉卿云公子亦生還仍

分刺史竹當在元祐二三年間碑書於元祐八年結銜

文州刺史史皆從略文州屬利州路此刻乃授任而未  
行時作是年說有再遊慈恩塔題名則之任文州道經  
京兆所題也顧臨字子敦傳敘其為翰林學士在改元  
紹聖之前與此碑結銜合其知制誥則傳略之臨亦東  
坡友嘗贈詩云平生批敕手濃墨寫黃紙又云遙知送  
別處醉墨爭淋紙其善書可知惜此額失拓未見陰亦  
遺之

長老承□窳堵波記殘字

高二尺廣三尺三寸餘三十二行行十八字字徑八分正書在浙川麻治南五里興化寺後

大宋大長老承□窳堵波記

娑婆世界南瞻部□東震旦大宋國□大比邱承持三

昧十方遊戲自在神力次身□□如□寶相同□□□

□受諸垢□世故不故□生比邱不居

中四窳問□本所曰重次一日次上

人所比邱窳堵波□□財□□力心

可因身首□□而法性有性虛空□思一行全

劫歲歸堂堂大中屠坊

宋元祐八年八月初八日

建安練

下初不  
辨數字

元祐八年八月初八日立石

□□□刊

右興化寺長老承□宰堵波記南陽張忠甫訪獲於寺  
後攝以貽余文殘已甚寺始建於隋仁壽四年號法相  
寺太平興國中改今名見歐陽文忠公浙川縣興化寺  
廊記今碑中興化寺字雖不可見而石在寺後則長老  
之為興化寺主可知也歐公記云僧延遇以淳化三年  
止此寺居二十有三年授弟子惠聰而老焉又十八年  
惠聰營此廊廊成明道二年某月也忠甫撫長老為惠  
聰之徒傳會亦合

太常少卿石恪墓誌銘

方二尺七寸三十一行行  
三十二字字徑七分正書

宋故太常少卿石公墓誌銘

右朝散郎權尚書兵部侍郎上輕車都尉賜紫金魚袋杜  
純撰并篆蓋

左奉議郎充祕閣校理守祕書丞武騎尉晁補之書

公石氏諱輅字君乘濮州范縣人也曾祖諱溫祖諱文舉皆  
不仕考諱崧益州司理參軍贈工部侍郎工部以明經入官  
而好文自公幼學則諄諄語之曰女當以文顯即大感發晝  
夜誦讀曾無燭至拂其屋就月視書無幾何則以詞藝稱中

進士乙科調青州節度推官改知萊陽縣縣負海民習為姦  
利公治明恕賊民多改或適去又以吏事稱康定中夏英公  
經略西邊奏掌永興書記管勾機宜文字方元昊叛時獻策  
畫多見聽用再從辟涇州渭州用特敕薦改著作佐郎賊圍  
鎮戎急後騎日益諸將以謂利疾戰且深入牽其勢公起席  
末言曰賊鋒銳未可大將葛懷敏怒曰兵困敵而制勝石君  
安能逆知往先馳之軍盡沒或走入塞者猶道懷敏臨死而  
悔曰坐以書生待石君至此公既久從軍母老與諸子安土  
不肯行欲解官歸帥惜其才使部尉氏還戍因替送軍衣京  
東聞從范縣過問母或欲以事疵帥者隨其違法坐責監長

葛縣酒稅稍徙知崑山縣發書陳州判官通判綿州邛州事  
會嘉祐間朝廷以諸路計不入詔三司薦可任吏公在書  
中擢廣濟河都大輦運廣濟輸尤不結數十年或置或罷公  
究知其弊奏更法數事軍大將有罪不取決三司得專治自  
公始明年東州之粟至京師者百萬石擢知真州又改虔州  
韓魏公聞其名召至中書與議鹽事許以便宜措置虔州邑  
綿地千里民狡善訟文案如山守堦堦不能省公治不煩而  
威甚行三獄為空以疾求北歸知光化軍復領輦運移梓州  
路轉運判官遷利州路改提點兩浙路刑獄事疾病分司西  
京熙寧二年七月十八日卒年六十二自佐著作九遷為太



常少卿階朝奉郎勳輕車都尉爵河東縣開國男食邑三百戶取孟氏長壽縣君四男子伯宗古內黃縣尉仲宗彞通直郎李宗彭皆前卒而叔宗壽楊州錄事參軍廉平而文能裕其盜者也公少孤事兄悌遇族人恩嘗請于朝願納兩官授兄一致仕官不行乃以其任子恩任兄之孫為人靜慎遇事警發既老猶好書不倦病不問家事怡然歿盡可謂君子也已宗壽卜元祐八年十月十七日葬公于河南府澠池縣大塢鄉鳳皇山之原以純鄉里舊知公為詳屬純銘銘曰

親教以學 雖淺以聞 推此而往 可與事親

君任以事 雖輕以成 推此而往 可與事君

小試必立 豈大不能 壽貴不稱 短窮亦福  
圃此有餘 而彼不足 惟此有餘 小人無之  
惟彼不足 聖賢有之

宣仁后山陵採石記

元祐八年十一月九日

採石記

此記前採石題意原書誤以

而訖於十一月之壬午

於此罔不悉心

為糜粥煮藥

碑文同作

國康作康原書為

傳諸母窮之意

母誤

東坡書贈模上人經刻

高一尺餘廣一尺六寸經呪八行行字不一字徑六分題  
款二行刊石記三行行字不一字均經四五分後附呪音  
連標目三行正書在宣城  
出自教亭山雙塔頂上

觀自在菩薩如意輪陀羅尼曰

經呪不錄

元豐四年二月二十七日貢授黃州團練副使眉陽蘇軾  
書以贈宣城廣教院模上人

紹聖三年六月旦日宛陵軾明寺楞嚴講院童行徐懷義  
摹刊於石普勸受持同增善果

呪音

不錄

白雲洞題刻二

正書在麗水

劉涇杜穎等題名

高三尺四寸廣三尺九寸六分  
行五字字徑六分內外

神宋紹聖三

李重九劉涇

杜穎劉唐年

方瑛席昌壽葉黃朱

師回來磨崖筆

右劉涇等三

磨崖

寺磨崖在白雲洞前西向石上劉涇字巨

濟蜀人時為枯郡守杜穎字鴻道淮人時為枯郡倅席昌

壽洛陽人與方瑛皆為劉巨濟幕客皆見南明山磨崖葉

黃朱師回麗水人均元祐戊辰進士劉唐年無攷此拓與

石梁張康國磨崖同一手筆疑為劉巨濟書深得柳公綽

筆意

枯蒼金石志

第二行剝落僅存奉字半畫一撇涇字之工字枯蒼金石志錄此尚無損闕据以補之南明山張康國一刻未得拓本

方塊等題名

高四尺二寸廣二尺八寸五分五行行九字字徑四寸

元符元年仲秋末游與郡僚游三岩亭午過天王晚宴寺閣薄莫而歸同之者方塊席昌壽程宏陳正夫江懋迪黃潛

右在劉巨濟詩刻後元符元年為哲宗紹聖五年六月改元也天王山在郡西北山之西有碧霞元君祠久廢乾隆間遷碧霞元君銅像於城中即今之泰山宮也所云晚宴寺閣即碧霞元君之祠歟程宏為劉涇幕友陳正夫麗水

人其餘數人即所謂郡僚也然志皆不載此題書法大佳  
惜巖石粗頑拓本漫漶耳

枯庵金  
石志



仇公著墓誌銘

高二尺三寸廣二尺二寸二十七行  
行三十字字徑七分正書在墓都

宋故定州觀察判官仇府君墓誌銘

承議郎發書定武軍節度判官廳公事雲騎尉借緋柳

子文謨

朝請大夫試將作監上護軍賜紫金魚袋王同老書

宣德郎試大理司直晁端德篆蓋

府君姓仇氏諱公著字晦之與予同在中山幕府每以老成  
博重而誠敬之豈弟簡易而心好之見其喜蓄翰墨而不矜  
文藝練達政事而不急功名君起寒素而不道閥閱久淹州

縣而不求論薦數以是叩之笑而不我告也一日暴疾卒予赴位哭其孤請銘以壽不朽予因得其世次之詳 君

之先滄州人曾祖諱華任尚書駕部員外郎為青州牧終而家焉後贈工部侍郎祖諱永任尚書屯田員外郎父諱諒任國子監丞累世皆列于朝王文安公 君姑之子也文

安公由進士第一叅預大政為 宋名臣封其妣為徐

國太夫人而報其外族者甚渥嘉祐三年文安薨于位遺奏

補 君為太廟齋郎君少往來文安家又因其任宜得

貴□而從宦四十許年乃止於是然後知 君為能安於命

不以顛躓踳蹙為慊也 君歷官德州德平縣主簿秀

州海鹽縣尉廣州司理端潮筠三州軍事推官遷天平軍節度推官監楚州鹽稅以課增羨循為定州觀察判官在廣興潮皆能出力治其同事之喪厚賻其幼稚使脫於瘴癘廣帥賢而薦之潮人德而思之其在楚也使者欲薦

君推

以與同僚適得改官其在定也余便司嘗使按所入粟治其官吏之不職者將加罪焉

君覆護保全竟賴以免此

皆常人之所難而

□優為之終以不得志而無所大

施設故隨地以自見所至號稱長者

君以紹聖三年

四月初四日卒于官享年六十有一其葬以是年十月□酉日其墓在青州□固鄉雲門里

君娶王氏先卒子男

一人愈女二人長適進士劉愈季居室予以僚友之義不可  
以不銘銘曰

昔在漢覽 赫奕循吏 徙家于青 豈其□齋  
州牧郎星 佑我睚眦 問我諸姑 宜□教子  
胡不相君 我祿我仕 用畱於材 譽騰於里  
惟壽與官 匪天孰極 岸谷有遷 斯銘以識

蘇□□刊

龍興寺大悲閣記

高三尺九寸廣二尺二寸七分二十二  
行行五十字字徑七分正書在正定

真定府龍興寺大悲閣記

距真定府城之西三四里有大悲寺唐自覺禪師所造金銅  
大悲菩薩像在焉因以名寺五代之亂契丹犯境燒寺鎔毀  
其半□□以香泥補完之周顯德中國用空虛掌計者無遠  
圖收羅天下銅佛鑄錢以資調度於是菩薩之像又以泥易  
其半

宋興

太祖皇帝開寶二年討晉不庭駐蹕真定召羣僧而問焉得

像之興□本末欲徙置城中不可且言像壞之時有文在其  
中曰遇□即毀遇 宋即興於是 詔遣中使相地於

龍興寺佛殿之北將復建閣鑄銅像以慰鎮人之意 車

駕還京師未幾寺之菜園有祥光出其上凡三年不滅望氣

者占得古銅物不可勝數時暴雨大作浮棟梁材千万計

自五臺山而下至頰龍河止州以事 上聞 詔以銅

鑄像以木建閣內遣軍器使興州鈐轄等領其事工人冶者

與夫力役之輩皆妙選能者凡所經費悉從官給像成其身

七十三尺其髀四十有二咸容烜赫相好圓成善者見之而

心開不善瞻之而生影有生之類遷善遠罪於冥冥不可見

之間其爲利也豈小補哉謹按內典

大悲菩薩乃觀音

大士應現之身正法明如來降迹之體也於曩劫來□□□  
脩入三摩地成妙功德獲勝圓通上合十方諸佛本原妙心  
同一慈力下合六道衆生融通無礙同一悲仰能成三十二  
應入國土之身超過六十二億沙數菩薩之智顯現衆多妙  
容宣說無邊神呪通身是眼不見纖塵多手護持拔提諸趣  
不動真際得大自在故觀音名遍十方國是故世人聞名起  
妙植大福緣覩相悟心直趨正覺非夫 大慈愍護衆生  
之力何以感攝羣動非夫 大聖人天錫勇智有應天順  
人之功何以能保佑斯人成就妙用矧識文先定響應無差

金木之來神物冥助恭惟

我宋之興積功累行盛德大業繼繼承承傳千萬世豈特人  
爲之力哉抑亦幽贊之道非智之所能知非情之所能測也  
景祐中寺僧惠演錄其興建之迹甚詳言不雅馴今大  
帥寶文吳公以道存心以德惠民觀寶像雄壯圓悟不  
思議之旨灼見

傳之無窮於是使繫因舊文而爲之記繫聞脞本無心以百  
姓心爲心道本無言不得已而後言故起心爲物者平乎無  
心爲道而言者平乎無言 1 大悲菩薩已成佛道於無  
量劫前而



我太祖皇帝撥亂反正於五季之後救民出塗炭之苦與菩薩度生之誓若合符契興閣建像作大莊嚴皆欲福被生□使人超善而歸於道可謂無心之化矣且得有言乎蓋

竇文公之意欲尊

朝廷而明大道之本繫也學淺而文

不工故言多而道不見雖然道豈可見也哉將使觀是文者知聖人之心存乎道妙圓超悟而不滯於文句之間則言雖多亦志於無言而已矣紹聖四年二月望日朝奉郎管勾真定府路都總管安撫司機宜文字驍騎尉賜緋魚袋葛

繫記

右記葛繫撰宋史無傳王荊公葛興祖墓誌銘稱興祖丹

徒人三子蘩蘩皆有文學蘩許州臨潁縣主簿續通鑑長  
編元祐三年八月辛丑右正言劉安世奏有近日伏觀除  
目內奉議郎程公孫堂差監在京商稅院葛蘩兵器監主  
簿臣聞二人者與執政皆是姻家乞罷新命以伸公貼黃  
稱葛蘩係范純仁之同門壻云云長編又引呂公著掌記  
云葛蘩名聲籍籍荆公始愛其材後當國以其不附已疏  
之當即此葛蘩長編作葛蘩當是傳寫之誤又志雅堂雜  
抄載蘩題雪竇和尚親書偈後七絕稱蘩號鶴林居士崇  
寧間臨潁主簿守鎮江云云蘩列銜爲管勾真定府都總  
管安撫司機宜文字案宋史職官志經略安撫司經略安

撫使一人在河北及近地則使事止於安撫其屬有幹當  
公事主管機宜文字準備將領準備差使仁宗本紀慶園  
七年八月乙丑析河北為四路各置都總管通攷慶園七  
年析河北四路各置都總管一員如無止以安撫使總制  
諸路記載龍興寺鑄像蓋閣事稱景祐中寺僧惠演錄其  
興建之迹甚詳言不雅馴今大帥寶文吳公使藝因舊文  
而為之記大帥寶文吳公其名不可攷職官志有寶文閣  
學士直學士待制閣在天章閣之東西序蘇軾玉蕊珠殿之  
北即壽昌閣慶園改曰寶文嘉祐八年英宗即位詔以仁  
宗御書御集藏於閣命王珪撰立石治平四年神宗即位

始置學士直學士待制恩賜如龍圖英宗御書附於閣又  
攷哲宗本紀韓忠彥罷知樞密院事以觀文殿學士知真  
定府在紹聖三年正月據此則竇文吳公之帥真定尚在  
忠彥之後矣

常山貞  
石志

北嶽大殿增建引簷記

高四尺額高一尺四寸五分廣二尺三寸六分二十九行行四十五字字徑七分正書在曲陽北嶽廟

北嶽大殿增建引檐記

篆額三行行三字字徑四寸

北嶽大殿增建引簷記

方嶽祀事肇見有虞氏之典加隆于周官之書而盡美于

本朝其位號盡爵秩儀物盡度數珮服章采辟穆儼□以

盡其容廟居體撫放于宮城以盡壯麗所屬守長風興朝服

奉甲令日詔□庭稽首興頌罔敢弗虔以盡厥職歲時祝筴

又自 中出皆 天子著名于上畀郡守奉筴節事而水

旱禱禳又躬遣近侍 拜而授祝既盡所以禮神示之道

而廟有圯缺得賀幣獻以營理之務崇弗庫以符 詔旨  
有事

上帝肆眷下國皆 勅郡縣加飭祠宮而又 獄在稱

首嗚呼殆可謂盡美無巨復加矣方春始和庶民來祀祈田  
荅蠻巫覲牲牽相望於道群千聚百踰越千里不約而會于  
祠下者日以億計齋潔敬務極誠惻牲脂耐醇務極豐好  
富人巨室別極難得之貨幻伎瑰詭又極平生之術冤章禱  
願名馬金玉奇禽異獸又極耳目之玩而詞殆不能既也簫  
鼓隱春雷之聲族談擬湘江之濤牲牢多於燕郊之牧薌燎  
鬱於岱山之雲齏臚雜觸肩迹相輒謹翼紛錯師曠失其聰

離婁失其明，揔率其費，巧厯失其智，而十三歸于有司，受藏  
廟中，又以其丰輸郡為燕饗之用，嗚呼，可謂甚盛，無以復加  
矣，是宜神居邃嚴庭壇，與遠以稱盛美之畫，共惟

安天元聖帝祠，曲陽隸定武相望一驛，不當孔道，凡詔使連  
帥將命，問一來禮成，輒去，不一二問，其弊邑令謹庶職，  
不遑凡目舉制度，故祠宮略備而不大稱。帝者之居殿  
之南，榮褊迫不可周旋，每牲祭盛時，人相感壓，體薦登藉，距  
座纔咫尺，爾臭腥酷烈，潔人掩鼻，况煌煌僊聖，與

天為徒宵，復願享。帝意所親，山川百靈罔敢錫佑，故曠  
濬迭興，公私告疾，蓋有官守者如前，而在下者斷性命終獻

飲福啖肉臣歸浸厯暮閏無復廣斥意紹聖丁丑歲臣君壽  
令曲陽琢頑縣枉百廢維新瞻茲南嚮弗崇弗嚴弗稱

明天子敬神恤民之意亦失予為令之職廼度此亢具以侈  
欄楣增衡袤丈有奇縱高侔若於殿耽耽翼翼究極華明石  
楹鏤蛟金甲玉瓜蜿蜒躡拳騎驪欲奮構樞楹棖窮輪奐之  
美丹雘金碧窮繪事之妙庶陞窮崇憲戶窮深膠葛尊高灌  
落增雄穢迺賤吏自遠 帝所修祠奉幣而至者瞻仰咨

嗟肅然生敬令曰是僅畢予衷庶幾揭虔妥靈也其貲費亡  
慮百萬計雖得以 勅書從事而未祠者諗有司願有所

輸或出其材或出其力或出其巧各顧窮出其所有而令不



禁也迺得以成始哉予二月乙未畢塋于九月庚辰屬臣易  
記其事故原本祀典而究其弊且述令之志臣見致美之盡  
敢系以詩曰

殫祝史兮可有年屏翳伏兮旱魃囚鞭庖六穗兮倉箱萬  
千簫鼓宴饗兮東帶華軒牢醴潔豐兮我有嘉賓春秋節  
事子牲脗醑醎執事若忘兮以瀆為虔宮雉圯缺兮狼籍  
庭壇我有公事兮靡遑飭完泠禋祀糞于儀物載獨謬為  
惘歎兮雩禱降神山鬼憑怒于胡帝之尊十五恤荒兮  
緊吏弗敬天假令尹予為民錫命靖恭厥事兮祀神以正  
致美帝居兮帝則顧之風馬雲車兮肅然來斯渾渾

凝旒兮穢冗絕綦協氣橫流予民恬以嬉今尹之德兮神  
人具依凡百來者兮毋忘是詩

晉國王易謨并書 高陽許驥篆

三班借職監酒稅齊爲三班借職權縣尉田俊民右班殿直  
監廟劉稷主簿西門聿宣德郎知縣事趙君壽立石刊者楊

口

蘇東坡行香子臨江仙二詞

一詞一石各高四尺餘廣二尺二寸六  
行行十一字字徑三寸正書在墳山

清夜無塵月色如銀酒斟時須滿十分浮名浮利休苦勞神  
似隙中駒石中大夢中身雖抱文章開口誰親且陶陶樂取  
天真幾時歸去作箇閑人背一張琴一壺酒一溪雲也自由  
春都過了貪忙何處追尋三分春色一分愁雨翻榆莢陣風  
轉柳花毵間苑先生須自責蟠桃動是千秋不知人世苦原  
求東皇不拘束肯為使君留

東坡居士書

蘇東坡洞酌亭詩并引

重刻本

島四尺餘廣二尺五寸餘刻前丰石七行行二十四字字徑一寸五分正書後丰石為明人題識在瓊山

重刻蘇東坡洞酌亭詩并引

瓊山縣東眾泉咸發然皆冽而不食丁丑歲六月軾南還過瓊始得雙泉之甘於城之東北隅以告其人旦晨汲者常滿泉相去咫尺而異味庚辰歲六月十七日遷于合浦復過之太守承議郎陸公求泉上之亭名與詩名之曰洞酌亭詩曰酌彼兩泉挹彼注茲一餅之中有渥有濡以瀹以烹眾咸莫齊自江徂海浩然無私豈弟君子江海是儀既味我泉亦嗜我詩

右東坡公祠的亭廢久矣亭名與詩與引固載之誌傳之人可考也予于公為鄉晚治瓊三年始訪故址而登焉一井尚存頗圯一井已平猶涵薄言酌之其色渾以滯其味甘以冽真海外一清流也遂與同寅楊黎二君相地度基構亭浚井取詩與引而勒之壁今去公無慮數百年升公之亭汲公之泉者莫不有遺澤之思嗚呼源頭活水可以觀公之醞浮光耀金可以觀公之丈清之不濁可以觀公之節井之所繫深矣哉後之君子臨流而日新之當必有同然于我者因紀其事云萬曆八年歲次庚辰七月既望賜進士第中憲大夫知瓊州府事西蜀唐可封謹識

比干廟碑

高四尺六寸廣二尺餘廿二  
行行四十字字字徑六分正書

商少師碑

篆額二行四字  
字徑三寸餘

太宗文皇帝既一海內明君臣之義正觀十九年東征島夷  
師次商墟乃下詔追贈商少師比干為太師謚曰忠烈公遣  
大臣持節弔贈申命郡縣封墓葺祠置守冢五家以少牢時  
享著于甲令闢于金石歐比干之忠益彰臣子得以述其志  
也昔商王受毒痛于四海德惇于三正肆厥淫虐下罔敢諫  
於是微子去之箕子囚之而公獨死之非捐生之難處死之  
難非處死之難得死之難故不可死而死之是輕其生非孝

也得其死而不死是重其死非忠也王之叔父親莫至焉國  
之元臣位莫曰焉崇高不可曰其曰昵不可以忘其祖  
則我成湯之業將墜于泉商王之命將絕于天曰扶其曰  
而曰痛曰而痛公之忠烈也其若是乎故能  
獨立危邦橫抗興運周武以三分之業有侯之  
之衆當公之存也則戢彼西土及公之喪也乃  
于盟津公存而商存公喪而商喪曰所  
人立教懲惡勸善而已矣人倫大統父子君臣而已矣太師  
存則正其  
夫淫者懼佞者漸睿者思忠者勸其為式也不亦大哉而夫

子稱商有三仁

○豈○無○殺○

百嘗敢噴之曰存其名存其祀亦仁

也亡其身存其國亦仁也若進死者退生者狂狷之士將奔  
騶焉褒生者貶死者宴安之人將冥力焉故同歸諸仁各順  
其志殊塗而一揆異行而齊○教○俾後之人優柔而自得焉蓋  
春秋微婉之義也必將建皇極叙彝倫擴在三之規○要○不二  
之訓以昭○於○世○夫人○仁○壽○移○于○親而致之於君焉有  
聞親失而不爭睹親危而不救從容安地而稱得禮甚不然  
矣夫孝於其親者人之親皆願其為子忠于其君者人之君  
皆欲其為臣故歷代帝王莫不旌顯周武下車而封其墓○禮○  
國南遷而創其祠我太宗有天下裡百神而盛其禮追贈太



師謚曰忠烈申命郡縣封墓葺祠置守冢五家以少牢時享  
著于甲令刻于金石於戲哀傷列辟主食舊封德為神明秩  
視羣望身滅而名益大世絕而祀愈長然後知忠烈之道其  
感激天人深矣天寶十祀余尉于衛拜手祠堂魄感精動而  
廟在隣邑官非執閭刊石銘表以志丕烈詞曰  
靡軀非仁蹈難非智死于其死然後為義忠無二體烈有餘  
氣正直聰明至今猶視潞爾來代為臣不易

右唐李翰文

宋建中靖國元年正月汲令聊城朱子才立石主簿東  
里張琪書丹監衛州酒稅苑囿孫絢題額

刊者柳士口

段顯等造香爐題名

高八寸廣五寸四分八行行十七字至二十一宇不等  
字徑四五分正書在行廟東北二十里南莊普照院

真定府行唐縣合河村使南莊造香爐維那等

段顯妻郭氏男段受段立孫段希合家眷屬二十三口

張密妻封氏男張澄張濟合家眷屬一十一口

張恩妻董氏男張立張文合家眷屬一十六口

張開妻封氏男張溫張良合家眷屬一十口

張從妻劉氏男張珍張思合家眷屬一十二口

張男妻侯氏男張秀張太合家眷屬一十一口

崇禎元年壬午歲春季月初二日記